

# თი-ბი-სი ბანკი: საკრედიტო ხაზი მცირე და საშუალო ზომის საწარმოების მხარდასაჭერად DCFTA მოთხოვნების განხორციელების პროცესში

ქვეყანა:	საქართველო
პროექტის ნომერი:	48733
ბიზნეს სექტორი:	დეპოზიტური კრედიტები (ბანკები)
განაცხადის ტიპი:	კერძო
საბჭოზე გატანის თარიღი:	22 მარტი 2017
სტატუსი:	იმყოფება კვლევით ფაზაში
ინგლისური ვერსიის გამოქვეყნების თარიღი:	9 თებერვალი 2017

## პროექტის აღწერა

100 მილიონ დოლარამდე დაფინანსების პაკეტი, რომელიც დენომინირებულია ადგილობრივ ვალუტაში თი-ბი-სი ბანკისთვის და შედგება სამი ტრანზაქციისგან:

- 60 მილიონ დოლარამდე (ექვივალენტი ლარში) საკრედიტო ხაზი ადგილობრივი მცირე და საშუალო საწარმოების მხარდასაჭერად, მათ მიერ ღრმა და ყოვლისმომცველი თავისუფალი სავაჭრო სივრცის შესახებ შეთანხმების მოთხოვნების შესრულების პროცესში;
- 20 მილიონ დოლარამდე (ექვივალენტი ლარში) – „ქალები ბიზნესში“ დაფინანსების პროგრამისათვის, ქალების მიერ მართული მცირე და საშუალო საწარმოების მხარდასაჭერად;
- 20 მილიონ დოლარამდე (ექვივალენტი ლარში) საკრედიტო ხაზი ადგილობრივი მცირე და საშუალო საწარმოებისთვის გამიზნული ქვე-სესხებისათვის.

## პროექტის მიზნები

დაფინანსების ეს პაკეტი დაეხმარება თი-ბი-სი ბანკს განავითაროს საკრედიტო პროგრამები შესაბამის ბიზნეს სეგმენტებში, მთელი ქვეყნის მასშტაბით და უზრუნველყოს საფუძვლიანი მხარდაჭერა მცირე და საშუალო ზომის საწარმოების გრძლევადიანი დაფინანსებისთვის ადგილობრივ ვალუტაში.

## ეკონომიკური გარდაქმნის ეფექტი

ამ ოპერაციის ეკონომიკური გარდაქმნის ეფექტებს შორის იქნება დაფინანსების კარგად მორგებული ინსტრუმენტების განვითარება ადგილობრივ ვალუტაში, მცირე და საშუალო საწარმოების მიერ ღრმა და ყოვლისმომცველი თავისუფალი სავაჭრო სივრცის შეთანხმების მოთხოვნების შესრულების ხელშეწყობის მიზნით, ისევე როგორც, დაფინანსებაზე წვდომის კუთხით არსებული კონკრეტული გენდერული ხარვეზების აღმოფხვრა იმ ქალი მეწარმეების მხარდაჭერის გზით, რომელთაც აქამდე ვერ ისარგებლეს დაფინანსებით.

ევრობანკის მხრიდან თი-ბი-სი ბანკის მხარდაჭერა, ზემოთ ხსენებული საკრედიტო ხაზების საშუალებით, გაამდიერებს საქართველოში საბანკო სექტორის მიერ სესხის გაცემის ზოგად პოტენციალს და, შესაბამისად, ფინანსურ შუამავლობასაც.

შემოთავაზებული საკრედიტო ხაზები გაზრდის დაფინანსების წყაროების მიწოდებას მცირე და საშუალო საწარმოებისთვის ადგილობრივ ვალუტაში და, შესაბამისად, ზოგად წვდომას საბანკო დაფინანსებაზე.

## ინფორმაცია კლიენტის შესახებ

თი-ბი-სი ბანკი

თი-ბი-სი ბანკი წამყვანი უნივერსალური ბანკია საქართველოში, რომლის მთლიანი აქტივები 3.3 მილიარდ დოლარს შეადგენს და რომელსაც ბაზრის მთლიანი აქტივების 30% უკავია. თი-ბი-სი ბანკის აქციები ლონდონის საფონდო ბირჟაზეა განთავსებული.

## EBRD-ის დაფინანსების მოკლე აღწერა

60,000,000.00 ამერიკული დოლარი.

## პროექტის ჯამური ღირებულება

60,000,000.00 ამერიკული დოლარი.

## გარემოსდაცვითი და სოციალური ასპექტების მოკლე მიმოხილვა

მინიჭებული აქვს FI კატეგორია (2014). თი-ბი-სი ბანკი ევრობანკის არსებული კლიენტია და, შესაბამისად, იცნობს ბანკის გარემოს დაცვისა და სოციალურ მოთხოვნებს. თი-ბი-სი ბანკის მიერ დღემდე წარმოებული ანგარიშგება სრულიად დამაკმაყოფილებელია და შეესაბამება არამხოლოდ ევრობანკის, არამედ საერთაშორისო ფინანსური კორპორაციისა (IFC) და აზიის განვითარების ბანკის (ADB) მოთხოვნებს.

თი-ბი-სი ბანკი იღებს ვალდებულებას უზრუნველყოს ევრობანკის გარემოს დაცვისა და სოციალური მოთხოვნების მე-2, მე-4 და მე-9 პუნქტების მუდმივი შესრულება და შესაბამისი ტრეინინგები თანამშრომლებისათვის, განსაკუთრებით კი - ახლად აყვანილი და რეგიონული განყოფილებების კადრებისთვის. გარდა ამისა, თი-ბი-სი ბანკი ვალდებულია ყოველწლიურად წარადგინოს გარემოს დაცვისა და სოციალური საკითხების შესახებ ანგარიში ევრობანკისთვის

მისაღები ფორმატით.

## ტექნიკური თანამშრომლობა

ღრმა და ყოვლისმომცველი თავისუფალი სავაჭრო სივრცის შესახებ შეთანხმების საკრედიტო ხაზს თან ახლავს ევროკავშირის სამეზობლო საინვესტიციო მექანიზმის (NIF) საგრანტო დაფინანსებაც (ტექნიკური და არატექნიკური), შემდეგი ფორმით:

ტექნიკური თანამშრომლობა: i) პროექტის კონსულტანტის ჩართვა ღრმა და ყოვლისმომცველი თავისუფალი სავაჭრო სივრცის შეთანხმების დანერგვისა და მონიტორინგის პროცესში თი-ბი-სი ბანკისათვის დახმარების გაწევის მიზნით ii) ცალკე დამმოწმებელი კონსულტანტის ჩართვა, რომელიც დაადასტურებს ქვე-მსესხებლების (მცირე და საშუალო საწარმოები) მიერ ინვესტიციების ტექნიკურ განხორციელებას მანამ, სანამ გაიცემა წამახალისებელი გრანტი შესაბამის მცირე თუ საშუალო საწარმოზე და iii) ბიზნეს კონსულტაციები მცირე და საშუალო საწარმოებისათვის მათი ტექნიკური, მენეჯერული, ბაზრის ცოდნისა და საინვესტიციო პროექტების განვითარების შესაძლებლობების გაუმჯობესების მიზნით.

არატექნიკური თანამშრომლობა: მასტიმულირებელი ინვესტიციები ქვე-მსესხებელთათვის.

„ქალები ბიზნესში“ საკრედიტო ხაზს თან ახლავს ევროკავშირის სამეზობლო საინვესტიციო მექანიზმის (NIF), შვედეთის საერთაშორისო განვითარების სააგენტოსა (SIDA), ევრობანკის გარდამავალი ქვეყნების ფონდის (ETC) და ევრობანკის აქციონერთა სპეციალური ფონდის (SSF) საგრანტო დაფინანსებაც (ტექნიკური და არატექნიკური) შემდეგი ფორმით:

ტექნიკური თანამშრომლობა: i) თი-ბი-სი ბანკის მხარდაჭერა ფინანსური პროდუქტებისა და საკრედიტო პრაქტიკის განვითარების პროცესში, კონკრეტულად ქალების მიერ მართული ბიზნესების მომსახურების მიზნით და ii) ბიზნეს კონსულტაციები ქალების მიერ მართული მცირე და საშუალო საწარმოებისთვის პრაქტიკული ცოდნის ხელმისაწვდომობის უზრუნველყოფის მიზნით (ბიზნესის განვითარებისთვის საჭირო არაფინანსური სერვისები).

არატექნიკური: თი-ბი-სი ბანკის მხარდაჭერა კრედიტის გაფართოების პროცესში.

## კომპანიის საკონტაქტო ინფორმაცია

თამარ კაკულია  
ფინანსური დირექტორის მოადგილე  
კაპიტალის ბაზრები და ინვესტორებთან ურთიერთობა  
+995 32 227 27 27

[www.tbcbank.ge](http://www.tbcbank.ge)

## ბიზნეს შესაძლებლობები

ბიზნეს შესაძლებლობებისა და შესყიდვების თაობაზე, გთხოვთ, დაუკავშირდეთ კლიენტ

კომპანიას.

## ზოგადი საკითხები

ევრობანკის პროექტებთან დაკავშირებულ შეკითხვებზე, რომლებიც არ შეეხება შესყიდვებს, გთხოვთ, მიმართოთ:

ტელ: +44 20 7338 7168; ფაქსი: +44 20 7338 7380

ელ-ფოსტა: [projectenquiries@ebrd.com](mailto:projectenquiries@ebrd.com)

## ინფორმაციის საჯაროობის პოლიტიკა (PIP)

ინფორმაციის საჯაროობის პოლიტიკის დოკუმენტით განსაზღვრულია ევრობანკის მიერ ინფორმაციის გავრცელებისა და აქციონერებთან კონსულტაციების ისეთი გზები, რომლებიც ხელს შეუწყობს ევრობანკის შესახებ ცნობიერების ამაღლებასა და ბანკის სტრატეგიის, პოლიტიკისა და ოპერაციების უკეთ გააზრებას.

[ინფორმაციის საჯაროობის პოლიტიკის დოკუმენტის ტექსტი](#)

## პროექტის გასაჩივრების მექანიზმი (PCM)

ევრობანკმა შეიმუშავა პროექტის გასაჩივრების მექანიზმი, რომელიც უზრუნველყოფს ფიზიკური პირებისა თუ ორგანიზაციების საჩივრების დამოუკიდებელი განხილვის შესაძლებლობას. საჩივრები უნდა ეხებოდეს ევრობანკის მიერ დაფინანსებულ პროექტებს, რომლებმაც გამოიწვიეს ან, შესაძლოა, გამოიწვიონ ზიანი.

[პროექტის გასაჩივრების მექანიზმის წესები](#)

პროექტის გასაჩივრების მექანიზმის ფარგლებში, ნებისმიერი საჩივარი შეტანილ უნდა იქნას ევრობანკის დაფინანსების მიღებიდან არაუგვიანეს 12 თვის ვადაში. თუკი არ ხართ დარწმუნებული საჩივრის შეტანის პერიოდთან დაკავშირებით, შეგიძლიათ დახმარებისთვის მიმართოთ პროექტის გასაჩივრების მექანიზმის ოფიცერს ან ევრობანკის შესაბამის ადგილობრივ წარმომადგენლობას.